

DISSERTATIO PHILOSOPHICA  
 De  
**JURE SUMMO-**  
**RUM IMPERANTIUM**  
**IN BONA CIVIUM,**

Qvam,  
*Consensu Ampl. Fac. Pbil.*

Sub Moderamine  
**HENRICI HASSEL,**

Eloqvent. Prof. Reg. & Ord.

Pro GRADU MAGISTERII

*Publico bonorum examini submitit*

ALUMNUS REGIUS  
**GUSTAVUS HAARTMAN G.F.**

*Austro Fen.*


Die Aprilis A. i. MDCCXXXVIII.  
*Horis locoque solitus.*

ABOÆ, Exc. Joh. Kiämpe, R. Ac. Typ.

# Conspēctus Dissertationis.

- §. I. Definitiones juris majestatīcī , nec  
non juris in bona civium tradit , &  
quod Sum: competant imperantibus  
demonstrat.
- §. II. Principi competere ius præscriben-  
di leges œconomicas ostendit.
- §. III. Summos Imperantes ius diri-  
gendi successiones bonorum babere  
contendit.
- §. IV. Etiam Leges sumptuarias condendi.
- §. V. Tributorum in Republica necessita-  
tem indicat.
- §. VI. Jus indicendi tributa Sum. vin-  
dicat Imperantibus.
- §. VII. Quousque hoc ius se extendat.  
ostendit.
- §. VIII. Definitionem dominii eminen-  
tis tradit.
- §. IX. Dominium illud Sum. compete-  
re imperantibus probat, finemque  
Dissertationis imponit.

§. I.



I. N. f.

§. I.

**P**otestas Summorum Imperantium omnia ea in Republica faciendi, quæ ad illius pertinent securitatem & commoditatem, *jus majestatum* dicitur; qvod varias sub te comprehendit species, utpote jus leges faciendi, magistratus constituerendi, bella gerendi, legatos mittendi, fœdera ineundi, jus in bona civium, & quæ plura sunt. Sed, cum speciem juris majestatici ultimo nominatam explicandam nobis sumserimus; prioribus illis missis, ad hujus expli-

A catio-

cationem nos accingimus. Per  
ius itaque in bona civium nihil ali-  
ud intellectum volumus: quam  
ius quoddam maiestaticum, vi-  
cujus, circa possessiones civium  
ita disponere valent summi Im-  
perantes, ut in commodum to-  
tius vergat civitatis. Quidam  
autem salus populi Principi sup-  
rema est lex, ut ex ipsa natu-  
ra atque in sole imperii civilis  
colligere licet: haec autem, sa-  
lus puta populi, cum non sine  
juribus maiestaticis, consequen-  
ter nec sine jure in bona civi-  
um obtineri queat, ut ex illo-  
rum definitionibus supra adhibi-  
tis appareat: in confessio quoque  
est apud omnes, quod ejusmo-  
di jus in bona civium Principi  
plane necessarium sit, si modo  
Rempublicam rite administrare  
valeat. Quousque autem hoc  
jus se extendat, id ex ipsa tra-  
statione

3.

Qatione patebit. Te itaqve L. B.  
etiam atqve etiam rogatum vo-  
lo, conatibus hisce meis inno-  
cuis favere digneris.

§. II.

**N**Eminem sine opibus atqve  
pecuniis, commode in ci-  
vitate vitam transfigere posse,  
testatur experientia. Sed quoni-  
am salus populi Principi sup-  
rema est lex (§. 1.), officium  
Summorum est imperantium id  
curare, ut sufficiens copia o-  
pum atqve pecuniarum in Re-  
publica sit. Cum autem illa ali-  
ter comparari nequeat, quam  
per agriculturam, metalli fodi-  
nas, artes manufactuarias, com-  
mercia, & quæ reliqua sunt e-  
jusdem generis: oportet mature  
atque prudenter a Summis Im-  
perantibus hæc enumerata insti-  
tuantur, privilegiis promovean-  
tur, ac in utilitatem & commo-

dum totius Republicæ dirigantur. Conseqventer jus illis competit, *leges præscribendi œconomicas*; quippe quæ nihil aliud sint, quæ regulæ a Summo Imperante daturæ, secundum quas, actiones civium œconomicæ diriguntur. Quæ definitio satis est clara; nulli enim termini eam ingrediuntur, quorum significatum ex quotidiano usu loquendi haurire non liceat.

### §. III.

**H**abet ulterius Princeps jus quodam dirigendi successiones bonorum tam ab intestato quam per testamento. Nam licet eo modo ac in §. II:da exposuimus, rempublicam opibus refertam reddiderit, non tamen exinde statim sequitur cives felices esse, sed requiritur ut tranqville bonis acquisitis uti liceat. Cum autem variæ rixæ ( quæ nunquam non civi-

civitatem turbant ) haud raro-  
orientur , testante omnium tem-  
porum experientia , opum atq;  
pecuniarum ergo ; præsertim  
qvando dominium illarum ob  
mortem prioris domini in alium  
transferendum est : hinc , quoni-  
am salus populi Principi suppre-  
ma est lex ( §. 1. ), illius utiqve  
est officium præcavere , ne ejus-  
modi rixæ circa translationem  
dominiorum in civitate orientur:  
id qvod fit , qvando successiones  
dirigit h. e. qvando specialem il-  
lis formam addit , per certas  
ceremonias atqve solennitates ,  
legibus civilibus præscriptas . Con-  
seqventer Summis imperantibus  
competit jus , successiones bono-  
rum tam ob intestato quam per  
testamenta dirigendi .

Idem etiam alio modo probatur,  
nimirum : Jus dirigendi successio-  
nes bonorum est jus in bona  
civi-

civium , ut ex definitione illius supra adhibita apparet. Sed jus in bona civium Principi competit ( §. 1. ), Ergo etiam hoc , puta leges circa translationem bonorum in alios sanciendi.

S. IV.

**L**ege sumtuaria nihil aliud sunt quam iusta Summorum imperantium , qvæ luxum , h. e. omnem inanem summatum in viatu ac amictu prohibent , ne civitas opibus exhauriatur. Sed cum jus in bona civium Summis competat imperantibus ( §. 4. ) consequenter etiam ejus species , puta jus præscribendi leges sumtuarias. Qvod autem hoc jus , species sit prioris cuius mentionem tecimus , id ex convenientia objecti atque finis jurium horum satis patet.

§. V.

**U**er securè & commode cives degere

re-

re queant vitam, sine jure indicendi  
tributa, Summi Imperantes efficere  
non possunt. Ex ipsa enim natu-  
ra negotiorum in civitate agen-  
dorum, quam apertissimum est,  
quod sine sumtibus geri non  
possint. E.g. quae ratione sine op-  
ibus atque pecuniis arma compa-  
randa, castella munienda, aedes  
publicæ extenuendæ, unde consi-  
liariorum, judicium, doctorum,  
aliorumque in republica mi-  
nistrorum stipendia solvenda  
sunt? Nemo enim civium ad  
alteri per totum vitæ suæ spa-  
tium gratis inserviendum ob-  
strictus est: immo ne servus qui-  
dem domino suo. Sed dicat  
forsitan aliquis ulterius: Hæc e-  
numerata usque adeo non sunt  
necessaria, ut illis civitas carere  
nequeat. Resp. Hæc adeo sunt  
necessaria, ut sublatis illis, tol-  
latur & securitas & commoditas  
in

in societate civili, testante omnium temporum experientia. Consequenter appetet, *Principium*, securitatem & commoditatem populi promovere non posse sine jure indicendi tributa, h. e. sine potestate decerpendi particulam aliquam ex bonis civium.

### §. VI.

**S**ummis Imperantibus competit jus indicendi tributa. Jus majestatum, quod Principi competere in §. I. probavimus, comprehendit sub se omnia illa jura, sine quibus securitas atque commoditas civium ab illo promoveri non potest (§. cit.): sed cum efficere non possit, ut secure atque commode vitam transigere queant cives, nisi jus indicendi tributa habeat (§. V.); consequenter appetet plane necessarium esse, ut id ei competit.

### §. VII.

9

§. VII.

**S**ummis Imperantibus non competit aliquod jus, per tributa ex bonis civium plus decerpere, quam necessario ad securitatem & commoditatem eorum requiritur. Ideo enim hoc jus Principi concessum est, ut salutem populi promovere possit (§. 5.6.); conseqventer tantum tributi civibus imponere potest, quantum ad hunc finem obtainendum necessarium est, non autem plus.

§. VIII.

**D**ominium eminens (\*) est potestas Summi imperantis extraordinaria, qua urgente gravi quadam totius civitatis necessitate, bona unius aut paucorum civium, publicis necessitatibus adhibere potest, licet longe ratam tributorum solvendorum partem excedant.

(\*) Terminum dominii eminentis

Hugo

Hugo Grotius primus adhibuit, quo eam multe post illum alii moraliste habent: licet Dn Zieglero vox illa male audiatur; vocat enim illam commentum licentioris politice, quo autem iure id dixerit, dudum viri ostenderunt eruditos.

### §. IX.

**P**otestas illa extraordinaria sive dominum eminens cuius mentionem fecimus §. VIII, Summis competit imperantibus. Salus enim populi Principi suprema est lex (§. 1.). Qvod si autem hæc in casu necessitatis aliter obtineri nequeat, nisi bona civium unius aut plurium arripiantur, & necessitatibus ejusmodi publicis adhibeantur (§. 8.): sequitur principi eo in casu, jus bona civium arripiendi competere, licet illa longe ratam tributorum superent partem.

Hæc itaq; pro ratione instituti

ti sufficient; pluribus enim in hac  
materia dislerere, vetat tempora-  
ris angustia, vetat res domesti-  
ca nimis arcta.

Gloria sit Patri, Nato sit gloria  
Sancto,  
Gloria Spiritui, Triadi sit gloria  
Sacra.



## Theſes M iſcellanæ.

- Th. 1.** Philoſophia Transcen-  
dentalis ſ. ontologia, non pro inutili  
qvodam vocabulario termino-  
rum habenda eſt.
- Th. 2.** Origo animæ rationi inex-  
plicabilis eſt.
- Th. 3.** Mente m inter & corpº dari  
unionem qvotidie experimur,  
qvalis autem illa ſit, apodicti-  
ce demonſtrari neqvit.
- Th. 4.** Animam eſſe immortalem,  
ex ratione probari poteſt.
- Th. 5.** Argumenta, qvæ pro ad-  
ſtruenda existentia Dei contra  
atheos, a Philoſophis adferun-  
tur, cardine hoc uno vertun-  
tur, qvod mundus a ſeipſo eſ-  
ſe non poteſt.
- Th. 6.** Jus naturæ eſt indiſpenſa-  
bile.
- Th. 7.** Homo , ad acqvirendam  
qvoad fieri poteſt, cognitionem  
Phi-

Philosophicam , jure Naturali  
obligatus est.

Th. 8. Causa cavillationum in  
republica Literaria est ambi-  
tio atque invidia immo non-  
nunquam cupido habendi.



